



Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07, 15/08, 63/23, 9/24 i 50/24), a u vezi sa članom 61. i 62. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21, 1/22, 26/23, 83/23, 9/24 i 27/24), Visoko sudsko i tužilačko vijeće Bosne i Hercegovine (u daljem tekstu: Vijeće), u sastavu tužilac Sanin Bogunić, predsjednik Vijeća, sudija Velimir Ninković, potpredsjednik Vijeća, sudija Obren Bužanin sutkinja Aleksandra Obradović, tužiteljica Snježana Petković, tužiteljica Željka Fabić, tužiteljica Bojana Jolović, tužitelj Saša Sarajlić, prof. dr. Džamna Vranić, dr. sc. Davor Martinović, advokatica Elma Veledar Arifagić i advokatica mr. Duška Bogojević, na sjednici održanoj 24. i 25.9.2025. godine, donijelo je

R J E Š E N J E

o imenovanju sudije u Općinski sud u Sarajevu

- I. Za sudiju Općinskog suda u Sarajevu imenuje se **Granić Čizmo Ena**.
- II. Datum stupanja na dužnost imenovane Vijeće će odrediti posebnom odlukom.

O b r a z l o ž e n j e

Na osnovu člana 36. Zakona o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i člana 33. i 34. Poslovnika Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je na internet stranici dana 07.11.2024. godine objavilo javni konkurs pod brojem: 04-07-3-4035-1/2024, kojim je oglašeno 7 (sedam) pozicija sudije Općinskog suda u Sarajevu.

Nakon provedene konkursne procedure, nadležno podvijeće je u skladu s članom 59b. st. (1), (3) i (4), a u vezi sa članom 60. Poslovnika VSTV-a BiH izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o VSTV-u BiH i Poslovnikom VSTV-a BiH, Vijeće je odlučilo da na 6 (šest) oglašених pozicija sudije Općinskog suda u Sarajevu imenuje kandidate na rang listi pod rednim br. 1, 2, 3, 5, 6 i 7 Beširević - Nurković Selmu, Čaušević Eminu, Nanić Anesa, Bandić Atu, Čengić Edina i Granić Čizmo Enu.

Dakle, Vijeće je odlučilo da za šestu od sedam oglašених pozicija sudije Općinskog suda u Sarajevu imenuje kandidatkinju na rang listi pod rednim brojem 7 Granić Čizmo Enu, iz reda bošnjačkog naroda, koja trenutno, počev od 2024. godine, obavlja poslove pravnog savjetnika u Sudu BiH.

Što se ostalog radnog iskustva tiče, imenovana kandidatkinja je u periodu od 2023. do 2024. godine obavljala poslove pravnog savjetnika - asistenta u Sudu BiH, od 2015. do 2023. godine bila je stručni saradnik u Sudu BiH, a od 2014. do 2015. godine bila je pripravnik u Sudu BiH.

Vijeće je ocijenilo da imenovana kandidatkinja u potpunosti ispunjava uslove za imenovanje propisane u članu 43. Zakona o VSTV-u BiH.

Kriteriji stručnosti i sposobnosti pravne analize imenovane kandidatkinje utvrđeni su na osnovu rezultata kvalifikacionog i pismenog testiranja, dok su ostali kriteriji, koji se odnose na sposobnost kandidatkinje da odgovorno, neovisno i nepristrano obavlja funkciju za koju se prijavila, profesionalne nepristranosti i ugleda, te ponašanja van posla, dosadašnjeg radnog iskustva kandidatkinje, edukacije i usavršavanja, objavljivanja stručnih i naučnih radova, te drugih aktivnosti u struci i komunikativnosti, utvrđeni na razgovoru pred nadležnom komisijom Vijeća, kojom prilikom je svaki član komisije neovisno bodovao kriterije, kako je to propisano u čl. 54., 54a., 54d., 54e. i 54f. Poslovnika VSTV-a BiH.

Kada je u pitanju broj ostvarenih bodova, Vijeće je imalo u vidu da je imenovana kandidatkinja u toku konkursne procedure, za kriterij stručnosti i sposobnosti pravne analize ostvarila ukupno 93 od mogućih 100 bodova, dok je na razgovoru pred nadležnom komisijom Vijeća u pogledu ostalih kriterija ostvarila ukupno 12 od mogućih 20 bodova, što ju je u konačnici rangiralo na šesto mjesto rang liste kandidata sa ukupno ostvarenih 105 od mogućih 120 bodova.

Pored ukupnog broja ostvarenih bodova, na osnovu kojih je kandidatkinja shodno čl. 59a. stav (1) tačka a) i 59b. st. (3) i (4) Poslovnika VSTV-a BiH stekla uslove za predlaganje i imenovanje na poziciju sudije općinskog suda, Vijeće je vodilo računa o okolnostima koje su relevantne za procjenu podobnosti kandidatkinje iz člana 48a. ovog poslovnika, kao i o potrebi osiguranja adekvatne nacionalne i spolne zastupljenosti u navedenom sudu, u smislu člana 43. stav (2) Zakona o VSTV-u BiH.

Vijeće je prilikom imenovanja navedene kandidatkinje ocijenilo da ne postoje okolnosti koje izazivaju sumnju u pogledu podobnosti kandidatkinje za poziciju za koju se prijavila.

Adekvatna nacionalna zastupljenost u konkretnom sudu utvrđena je na osnovu popisa stanovništva iz 1991. godine.

Nacionalna struktura 137 sudija, prema popisu stanovništva iz 1991. godine, bi trebala biti: Bošnjaci (69,7), Hrvati (9,6), Srbi (37,1) i Ostali (20,6). Trenutna nacionalna struktura 102 sudija: Bošnjaci (51), Hrvati (9), Srbi (26) i Ostali (16).

Prema prethodno navedenoj nacionalnoj strukturi u Općinskom sudu u Sarajevu nedostaje kandidata bošnjačke nacionalnosti (-18,7), srpske nacionalnosti (-11,1), ostalih (-4,6), te kandidata hrvatske nacionalnosti (-0,6).

Dakle, imajući u vidu trenutnu nacionalnu strukturu u Općinskom sudu u Sarajevu, Vijeće je u konkretnom slučaju na šestu od sedam oglašanih pozicija sudija navedenog suda imenovalo sedmorangiranu kandidatkinju, koja dolazi iz reda bošnjačkog naroda.

Vijeće smatra da imenovana kandidatkinja posjeduje potrebno stručno znanje, kao i potrebno radno iskustvo, te da ispunjava sve uslove da obavlja poziciju sudije Općinskog suda u Sarajevu, a to posebno cijeneći njeno radno iskustvo koje je sticala na poziciji pravnog savjetnika u Sudu BiH. Navedene činjenice su u okviru postupka ocjenjivanja za pojedine kriterije jasno izražene kroz ocjene pred nadležnim organima Vijeća za provođenje konkursnih procedura.

Kada je u pitanju kandidatkinja pod rednim brojem 8 na rang listi Radivojević Sonsirej, Vijeće je prije svega imalo u vidu da je ista u konkursnoj proceduri ostvarila identičan rezultat od 105 bodova, kao i predložena kandidatkinja pod rednim brojem 7 na rang listi Granić Čizmo Ena.

U skladu sa odredbama člana 58. Poslovnika VSTV-a BiH, u slučaju da dva ili više kandidata koji su aplicirali na istu poziciju ostvare identičan ukupan broj bodova, redoslijed kandidata na rang-listi utvrđuje se prema broju bodova za kriterij stručnosti i sposobnosti pravne analize, a ukoliko su kandidati po ovim kriterijima ostvarili jednak uspjeh u obzir će se uzeti dužina radnog iskustva nakon položenog pravosudnog ispita.

Obzirom da su obje kandidatkinje u konkursnoj proceduri ostvarile identičan ukupan broj od 105 bodova, njihov redoslijed na rang listi je utvrđen je prema broju bodova za kriterij stručnosti i sposobnosti pravne

analize. Naime, predložena kandidatkinja na rang listi pod rednim brojem 7 Granić Čizmo Ena je po kriteriju stručnosti i sposobnosti pravne analize ostvarila 93 boda, dok je kandidatkinja na rang listi pod rednim brojem 8 Radivojević Sonsirej po navedenom kriteriju ostvarila 86 bodova.

Pored navedenog, Vijeće je dalo prednost kandidatkinji na rang listi pod rednim brojem 7 Granić Čizmo Eni, koja dolazi iz reda bošnjačkog naroda u odnosu na kandidatkinju na rang listi pod rednim brojem 8 Radivojević Sonsirej, koja dolazi iz reda srpskog naroda, radi potrebe osiguranja adekvatne nacionalne zastupljenosti u navedenom sudu, u smislu člana 43. stav 2. Zakona o VSTV-u BiH.

Imajući u vidu sve navedeno, Vijeće je primjenom kriterija iz člana 43. st. (1) i (2) Zakona o VSTV-u BiH, a u vezi sa okolnostima iz člana 59b. stav (5) i člana 61. Poslovnika VSTV-a BiH ocijenilo da je imenovana kandidatkinja u potpunosti ispunila zakonom propisane uslove, kao i druge kriterije koji se cijene prilikom izbora kandidata, kako bi bila imenovana na poziciju sudije Općinskog suda u Sarajevu.

Shodno članu 86. stav (8) Zakona o VSTV-u BiH sudija ili tužilac koji je prvi put imenovan na funkciju u pravosuđu, početni izvještaj dostavlja u roku od 30 dana od dana imenovanja na funkciju.

U pogledu stava II. dispozitiva ovog rješenja, stupanje na dužnost imenovane se odgađa do okončanja dodatne provjere iz člana 86d. stav 6) Zakona o VSTV-u BiH, odnosno do okončanja upravnog spora, ukoliko je pokrenut protiv rješenja o imenovanju.

Ovo rješenje će biti objavljeno na internet stranici Vijeća, shodno članu 44. stav (1) Zakona i članu 62. stav (4) Poslovnika VSTV-a BiH, uz naznaku datuma objave od kojeg počinje teći rok za podnošenje tužbe.

Imajući u vidu sve iznesene razloge, Vijeće je odlučilo kao u izreci ovog rješenja.

Uputa o pravnom lijeku: Protiv ovog rješenja može se pokrenuti upravni spor pred Sudom Bosne i Hercegovine u roku od osam dana od dana objavljivanja rješenja o imenovanju na internet stranici Vijeća.

Broj: 04-07-3-3302-1/2025

Datum: 25.9.2025. godine

Predsjednik VSTV-a BiH

MP

Sanja Bogunić

